

- Was in diesen Buch zu befinden
- I - wie drüber zu sehen erstlichen
 - 2 - Eine trost schrift M. Casparum a ...
Superintendenten zu Salsfeldt zu
zu ... Grotzog Johann Friderichum
 - 3 - M. Casparus aquila Bischoff zu Salsfeldt
Nötige vor ant ...
Spöttischen Lügen M. eschebium Agricola
 - 4 - Eine vorwarnung an oben gedachten Fürstlichen
Herrn M. Mathiam Flacium Illyricum
geborenen Luff zu ...
 - 5 - Eine gumpis protestation und klage schrift und
das Interim durch Johann Warendum am
 - 6 - der geistlichen zu Magdeburg
 - 7 - Eine sprachliche historia von einem in
... land ...
zu ...
 - 8 - Bekentnis und ... des Interim durch
die Superintendenten und pastoren der ...
Lübeck ...
 - 9 - Der goldsüßigen ... der ...
"faltigkeit ..."
 - 10 - Widerlegung ethlicher predigten von dem
... antichristlichen ...
Bischoff von ...
Herrn Mathiam Flacium Illyricum
 - ii - Bekentnis unterrichtet und ...
...
Magdeburg

9) 7

Der von
Magdeburgk
ausschreiben.

ANNO DOMINI.
M. D. XLVIII.
Den Ersten Augusti.

Gedruckt zu Magdeburgk durch
Michael Lotther.

Der Herr

Erzbischof

von Magdeburg

ALPHONSO DOMINI

M. D. XLVIII.

Sein Erzbischof

Erzbischof von Magdeburg

Erzbischof

A Elermenniglichen was Statt
des oder wesens die sein / Entpieten wir
Bürgermeister Radtmanne vnd Innin-
gersmeister der Altenstadt Magdeburgk / Unser
gantz willige dienste / Vnnd thun hiemit vnser
hohen notturfft nach anzeigen / Als wir inn
teglliche erfahrung kommen / das wir für vnd für
vnd ye lenger ye mehr / hart bedrawet werden /
vns vñ die vnsern an leib hab vñ gut anzugreiffē
zu vberfallen vnd zu beschedigen / Wie wir denn
vnd die vnsern des ein zeither / mit vnserm schad-
den vnd nachteil wol ynne worden / vnd haben
es geduldet / vnd den schaden vber vns gehen
lassen / Vnd vnser missgünner mügen sagen
was sie wollen / so mügen wir doch vor GOTT
vnd mit Warheit wol von vns Schreiben / das
wir nye bedacht gewesen / auch vorm Jare als
wir mit guthem vnd mehrern Kriegsvolck vor-
sehen / vnd inn vielerley wege beschediget wor-
den / Aber dennoch vmb gemeines Friedens
willen / damit an vns gehalten / So sind wir
auch noch nicht bedacht / yemandts zu vberfal-
len / an leib oder guth zu beschedigen / Wo wir
aber oder die vnsern / weiter dermassen wie wir
bedrawet / solten angegrieffen werden / des wir
vns doch zuförderst zu vnsern Nachbarn / nicht
vorsehen wollen / denen wir auch darzu keine vr-
sache gegeben / So würde ye niemandts vns
mit billigheit vnserer Kegennotturfft vordencen
können noch mügen / Haben vns auch letzlich
zu gütlicher vngeserlicher vnterhandlung vñ
serer Gnedigen Herrn vnd freunde der Herren
Grauen Erbar Manschaft / vnd Stedte / dieser
A ij beiden

beiden Ertz vnd Stifft Magdeburgk vñnd Halberstadt erbotten / Doch mit dem anhang / das bey der Nö. Key. Ma. wir vntertenigst möcht ten vorbeten werden / vñns bey dem Göttlichen wort / in massen das allhyr / vñd fast in allen vmb ligen den Landen / aus Gottes gnaden gepredigt get wirdet zulassen / seindt auch der vnterhande lunge noch erwertig / Vñ ob vns wol von vnsern widerwertigen aufferlecht wil werden / als solte die hochgedachte Key. Ma. als die vor Wittenberch gelegen / vñd auch hernacher allhier in der Stad sündertlichen geschmehet sein worden / So seindt wir doch des nicht gestendig / Das wirdt auch kein ehrlicher mann mit Warheit auff vns darthun / denn wir wissen ye wol / sein des auch aus Gottes wordt gnugsam berichtet / das alle Obergkeiten / vñ zu förderst die höchste in allen Ehren / sol vntertenigst gehalten werden / Die hochermelte Key. Ma. erkenne wir auch aller vntertenigst / vor die höchste Oberkeit / vñd irer Key. Ma. allen vntertenigsten gebürlichen gehorsam zu leisten vns schuldigk. Vñnd ob vns auch zugemessen wirdet / das wir zu der zeit / als die Key. Ma. vor Wittenberch gelegen / vnser geschickten im Lager nicht gehatt / So mügen wir doch mit Warheit wol sagen / das solchs aus keinem mutwillen noch verachtung vorblieben / Vñd haben bey vns dis bedencken gehabt / vñd seindt in der fahre vñd sorge gestanden / wo solches geschen were / das dadurch das Kriegsvolck anher zukommen were erreizt worden / vñ das dadurch diese beide Stifft Magdeburgk vñ Halberstadt / auch vielleicht andere vmb ligen de Lande / wol hetten mügen vorheeret werden /
vñnd

vnd ist also die gemeine wolffart darinne bedacht
worden / Das aber mit der Kei. Ma. wir bisher
nicht vertragen / ist der vrsach halben verblieben /
das die wege / mittel vnd Capitulation artickel /
vns vnd alhier der gemeinen Stadt Gott weifs /
fast unmöglich gewesen zuerheben / Wir seind a
ber nicht in ab rede / das wir in allen vntertenig
sten ansuchungen für allem vnd stets darumb vi
tertenigst vñ demütiglichen gebetē / vns bey Got
tes wort / vñnd der Augsburschen Confession /
auch vnsern herbrachten Priuilegien vñ gerech
tigkeiten / Gnediglichen zulassen / vñnd vns des
gnedigst zu vorstendigen / den von Gottes wordt
könthen wir ye bey verlust vnser sehlen seligkeit
nicht weichen / sondern frey müssen bekennē / das
in dem / was die Ehre Gottes / sein allein seligma
chende Göttlichs wort / vnd vnser Sehlen heil vñ
seligkeit belanget / mehr vnserm lieben Gott vnd
seinem Göttlichen worte denn den Menschen ges
horsamen / vñ das vor allem zu hertzen führen müs
ssen / Das der Son Gottes vnser Heiland Jhes
sus Christus zu allen menschē selbst spricht / wer
mich bekennet für den menschen / den wil ich bes
kennen für meinem Himlischē Vater / Wer mich
aber verleugnet für den menschē / den wil ich auch
verleugnē für meinem Himlischen vater / vñ weil
den (wie wir berichtet) vns von vnsern misgünsti
gen / als solt es alhier in der Stadt vnschicklich vñ
vnordētlich zugehē / allerley zu vnserm vnglimpff
doch mit vnwarheit / ertichtet vñ nachgesagt sol
werden / Damit nñun menniglich wissen müge /
was hier bey vns von den dienern Gottes vñ vn
sern lieben Predigern / öffentlich gelert vñ gepres
diget wirdet / So ist dis vnser vñnd der gantzen
A iij Stadt

Stad / als der glieder der waren Christliche apo/
stolischen / gemeinē vñ Catholischen Kirchen / in
Gottes wort gegrūnte einfeltige bekentnis / Das
wir aus Gottes gnaden glauben / das der einige
Gottes Son Ihesus Christus / durch sein bit/
ters Leiden / Sterben vñ Blutuergiessen / vns ar/
me sūnder / ya die gantze welt / aus lautter gnade
vnd barmhertzigkeit / von allen sūnden vnd dem
ewigen Todt erlöset / vnd vns nach diesem leben
das ewige leben erlanget hat / vñ das der glaube
alle rechtgleubige ane alles zuthuen der werck al
leine from vñ selig machet / Vñ das solcher leben
diger glaube / ane einigen vordienst vñ werck der
liebe / gegen vnsern nechsten nicht sein kan vñ dar
aus die rechtshaffene von Gott begerte guthen
werck der liebe / folgen vnd ausbrechen müssen.
So habe wir auch mit keinen Swermern / Sec/
ten noch Kotten / wie die genant möchten werdē /
zuthun / leidē die auch nicht bey vns / sondern ha
ben / Gott lob / rein nach anzeige der Göttlichen
Schrift vñ der Augsburgischen Confession
die hochwürdigen Sacrament / wie die von vn/
sern Heilande Christo Ihesu selbst eingesetzt /
Vnd darzu den löblichen Simbolum Nicenum
vnsern waren Christlichen glaubens / in grossen
ehren / Vñ werden auch die Christlichen eusserli/
chen Ceremonien / bey vns wie in den vmblyggen/
den Stetten vnd Landen / dar das wort Gottes
recht vñ lautter wird gepredigt / gehalten / wie den
das auch die frembdē / die anher in vnser Kirchen
kommen bezeugen müssen. Vñ wollen neben
allen andern liebē Christen zu vnserm Got schrei/
en / ruffen / vñ bitten / das er vns durch seinen hei/
ligen Geist bey der reinen Lehre der Göttlichen er
kanten

Kanten warheit/vnd dem klaren hellen liecht sei-
nes heiligen Euangelij/bestendiglichen wolle er-
halten. Vnd vns für des Pabsts greuel/abgöt-
tereien/falscher Lehre/lügen vnd irthumen/auch
vor menschen gutdüncken vñ allen satzungen die
wieder sein heiliges wort sein/genediglichen be-
waren. Vnd machen vns auch gar keinen zweif-
fel/sondern glauben das von hertzen vnzweiffes-
lich/vnser lieber Gott werde vns vñ alle seine lie-
ben Christen/aus seiner veterlichen liebe vnd zus-
sage bey seinem heiligen alleine seligmachenden
wort/genediglichen erhalten/vñ seine herligkeit/
Krafft vñ macht/der Welt wol sehen lassen. Vnd
bitten dem selben nach einen jedern was standes
oder wesens der sey/gantz dienstlichen/wolle in
sein Christlich gewissen gehen / vnd sich wol be-
dencken ehe er sich darzu lasse gebrauchen / vns
oder die vnsern mit gewalt anzugreifen / zube-
schedigen/odder sunst darzu einige förderunge/
hülffe/ beystant/oder fürsuhb zuthuen / Dieweil
le dieses im grund nicht sachen sein /die gelt oder
gut betreffen/Sondern die ehre Gottes vnd eins
jedern sehlen heil vnd seligkeit/vñ also nicht das
zeitliche sondern das ewige. Inn diesem allen
wollen sich / wie wir denn gar nicht zweiffeln/
alle ehrliebende fromme Christen leute vnsern
lieben Gott zu ehren / vnd vmb seins Göttlichen
worts willen / Christlich bedencken / mitleidigk
vnd gutwilligerzeigen / Das wirdt one zweiffel
vnsern lieben Gott zu ehren / vnd auch zu ge-
meiner liebe vnd wolfart gereichen/Vnd
wir seind das vmb einen yedern/vnser
höchsten vermögens zuverdienen
inn allewege gantz willig, etc.

Faint, illegible text, likely bleed-through from the reverse side of the page. The text is arranged in approximately 25 lines, though the characters are too light to transcribe accurately.



Die Litteratur des Mittelalters
1. 5. 7. 2

5


Die


m) Aug VI 1999

56 Z

ULB Halle
003 894 274





9) 7

Der von
Magdeburgk
ausschreiben.

ANNO DOMINI.
M. D. XLVIII.
Den Ersten Augusti.

Gedruckt zu Magdeburgk durch
Michael Lotther.

